

## IZVJEŠTAJ O RADU TRA 2014. GODINE

Aktivnosti TRA Agencije tokom 2014. godine, bile su strukturane u sedam područja rada koje su propisane Planom rada koji je predložio direktor za period 2014-2018. godina, kako slijedi:

- a) Projektni menadžment
- b) Baze podataka, analitika, statistika;
- c) Javno-privatni dijalog
- d) Promocija privrednih potencijala, teritorijalni marketing i investicije;
- e) Obuka i obrazovanje
- f) Ruralni razvoj
- g) Energetska efikasnost i zaštita okoliša.

Želimo istaknuti da je u području projektni menadžment kandidovano 15 projektnih aplikacija prema različitim donatorima (Delegacija EU u BiH, EU-fond Danube Region Project Fund, Ambasada Norveške, Ambasada Japana, Aid Charity al- Qatariya, USAID, USAID/Sida Firma, USAID/Sida Gold, GIZ Prolocal, BIGMEV Turska, Federalno ministarstvo okoliša i turizma). Od toga, u 11 aplikacija aplikant je bila TRA Agencija, a u 4 slučaja općina Tešanj ili neka druga institucija kojoj je osnivač općina Tešanj (JU Dom zdravlja Izudin Mulabećirović Izo). Nakon provedene evaluacije, 7 aplikacija je odobreno, 2 aplikacije su odbijene, dok se 5 aplikacija nalazi u postupku rješavanja. Veoma je izvjesno da neke od aplikacija koje se nalaze u postupku odobravanja budu pozitivno ocijenjene već početkom 2015. godine. Potrebno je napomenuti, da je od 7 odobrenih aplikacija, a 4 je aplikant bila TRA Agencija, na 3 je sve pripremljeno za općinu Tešanj. Od tri odobrene aplikacije za potrebe općine u slučaju PRO-Budućost odlučeno je da projekat implementira TRA Agencija, dok je u slučaju sanacije klizišta nakon odobrenja projekta u visini od 50.000 KM općina odustala zbog činjenice da se pristupilo interventnim radovima prije odobrenja projekta.

Ukupna finansijska vrijednost odobrenih projekata je 1.607.768,53 KM

U pogledu baza podataka ustanovljene su baze podataka koje prate trendove broja poslovnih subjekata, njihove finansijske pokazatelje poslovanja, trendove prometa, izvoza, investicija i broja zaposlenih/nezaposlenih. Izrađene su dvije analize konkurentnosti u sektorima metaloprerade i prehrambene industrije na temelju metodologije Porterovog dijagrama i pet konkurentnih sila.

U području javno privatnog dijaloga posebno želimo istaknuti uspostavu Savjeta za lokalni ekonomski razvoj (SLER) općine Tešanj za koji su sve pripadajuće dokumente izradili predstavnici TRA Agencije. Tokom 2014. godine održana su 2 sastanka na kojima je prezentovano 14 inicijativa predstavnika privatnog sektora. TRA Agencija je tehnički sekretarijat SLER-a i obavlja sve administrativne poslove. Posebno želimo istaknuti uključenost predstavnika TRA Agencije u pripremu aplikacije za dobijanje priznanja BEACON šeme i pripreme aktivnosti na BFC certifikaciji općine Tešanj (certifikacija općina i gradova sa povoljnim poslovnim okruženjem).

U okviru promocije privrednih potencijala, teritorijalnog marketinga i investicija posebno je značajno pomenuti saradnju sa projektima i organizacijama kao što su: GIZ Prolocal, Aftercare, USAID/Sida GOLD i BIGMEV. Veoma je bitno istaknuti priznanja fDi magazina za evropsku regiju budućnosti koje je dodijeljeno BEAR području poslovne izvrsnosti Teslić-Tešanj-Žepče, a TRA Agencija je radila pripremu cjelokupne aplikacije i učesće na investicionoj konferenciji BEAR održanoj u septembru 2014. godine u Sarajevu.

Aktivnosti obuke i obrazovanja su krunisane osnivanjem Centra za obrazovanje odraslih Tešanj, a potom i potpisivanjem Sporazuma o saradnji sa tri srednje škole u Tešnju. Dana 20.11.2014.godine zaključen je Ugovor o saradnji između „TRA“ d.o.o-Agencije za razvoj, tj. poslovne jedinice: Centar za obrazovanje odraslih i tri srednje škole sa području općine Tešanj. Ugovorom o saradnji definisani su oblici međusobne saradnje na implementaciji zajedničkih projekata iz oblasti neformalnog obrazovanja, kao i način korištenja učionica i opreme u svrhu realizacije redovne nastave kroz formalno obrazovanje. Naknadno je potpisan Ugovor sa Mješovitom srednjom školom, kojim su detaljnije definisani kontrola i nadzor korištenja prostorija Centra za obrazovanje odraslih. Potrebno je istaknuti odobrenu aplikaciju iz predmetnog područja od strane Federalnog ministarstva razvoja, preduzetništva i obrta, kao i aplikacije koje se nalaze u fazi odobrenja od strane GIZ Prolocal i USAID/Sida GOLD projekta.

Područje ruralnog razvoja je okarakterisano sa odobravanjem projekta Podizanje zasada malina na području općine Tešanj zahvaljujući kojem je zapošljena nova osoba u TRA Agenciji na poslovima agronoma u trajanju projekta od 24 mjeseca. Ove aktivnosti su komplementarne sa aktivnostima koje se realizuju kroz III komponentu GIZ Prolocal programa –lanci vrijednosti u jagodičastom voću.

Zaštita okoliša i energetska efikasnost su okarakterisani kroz realizaciju REELIH projekat sa organizacijom Habitat, rad na projektu kanalizacije, komunikaciju oko sistema toplifikacije sa Centrom za razvoj i međunarode odnose Vlade Slovenije i USAID/Sida GOLD projekat.

Više o svim navedenim projektima i aktivnostima je dato u nastavku teksta.

## **1. Projektna aplikacija (COBEAR) za poziv Delegacije Evropske unije u BiH**

U okviru javnog poziva Delegacije Evropske unije u BiH Agencija za razvoj općine Tešanj je u partnerstvu sa Općinom Teslić, Razvojnomo agencijom Žepče i Udruženjem privrednika Tešanj-Jelah izradila projektnu aplikaciju iz oblasti lokalnog ekonomskog razvoja. Projektna aplikacija je uključivala aktivnosti za unapređenje povoljnog poslovnog ambijenta i jačanje konkurentnosti mikro, malih i srednjih preduzeća na području općina Tešanj, Teslić i Žepče. TRA, Agencija za razvoj je bila vodeći partner i aplikant a cjelokupni budžet projekta poslije revidiranja sa Delegacijom EU iznosi **526.575,65 Eura**. U oktobru 2014. godine stigao je dopis od Delegacije EU u BiH da je projektni prijedlog odobren te ugovor o finansiranju je potpisan 26.11.2014 godine. Projekat traje 30 mjeseci uz obavezu sufinansiranja u iznosu od 30.912,50 EUR.

## **2. Prijava na javni poziv Norveške ambasade (Projekat: "Business Info Desk BID")**

Na poziv Norveške ambasade prijavljen je projekat "Business Info Desk BID" čiji je glavni cilj promocija potencijala općine Tešanj i privlačenja stranih investitora. Pored navedenog planirano je povezivanje privrednika općine Tešanj sa privrednicima iz okruženja kroz organizovanje B2B susreta. Vrijednost projekta je 41.000,00 KM. S obzirom na štete prouzrokovane poplavama u BiH, Norveška

ambasada je odlučila da sva svoja sredstva realocira u sanaciju šteta od poplava, te smo dobili odgovor da ambasada nije u mogućnosti da podrži navedeni projekat.

### **3. Projekat Centar za neformalno obrazovanje**

Projekat: "Uspostava Centra za obrazovanje odraslih i stručno osposobljavanje i zapošljavanje CNC operatera, metalobrusača i obrađivača metala rezanjem za potrebe preduzeća: MANN+HUMMEL BA Tešanj, POBJEDA dd Tešanj i ENKER dd Tešanj je pripremljen i izrađen od strane Agencija za razvoj općine Tešanj. Donatori na projektu su: USAID/Sida Firma Projekat, DW Inetenational, FZZZ, Vlada ZE-DO Kantona, Općina Tešanj, ŠC Velenje, Općina Tešanj, Udruženje privrednika "BIZNIS CENTAR" Tešanj. Partner na realizaciji projekta je Mješovita srednja škola Tešanj. Projekat je uspješno realizovan u 2014 godini sa rezultatima kako slijedi:

- registrovan Centar za obrazovanje odraslih kao odjel u sklopu Agencije za razvoj općine Tešanj,
- adaptiran prostor (učionica) za izvođenje praktične obuke,
- nabavljena i instalirana dvije CNC mašina koja će služiti za izvođenje praktične obuke u Centru za obuku odraslih,
- nabavljena i instalirana oprema iz mehatronike (set opreme iz hidraulike),
- izvedena edukacija nastavnog osoblja iz mehatronike i andargoških metoda u radu sa odraslim,
- obučeno 30 kandidata sa evidencije Zavoda za zapošljavanje za zanimanja: CNC operater, metalobrusač i obrađivač metala rezanjem,
- zapošljeno 30 kandidata koji su uspješno prošli programe obuke u kompanije: Pobjeda, Enker i Mann+Hummel Ba Tešanj.

Ukupna vrijednost projekta je 141.001,95 KM.

### **4. Projekat "Izrada idejnog i glavnog projekta za sanaciju postojeće deponije komunalnog otpada "Bukva" u Tešnju i izgradnja pratećih objekata prilagodjenih sanitarnom konceptu odlaganja do njenog zatvaranja"**

Agencija e u saradnji sa RAD dd Tešanj pripremila i izradila projektnu aplikaciju za poziv Federalnog ministarstva okoliša i turizma. Projektna aplikacija se odnosi na sanaciju postojeće deponije komunalnog otpada „Bukva“. Cilj predloženog projekta je priprema deponije komunalnog otpada za pristupanje sistemu integralnog upravljanja otpadom shodno cilju Strategije upravljanja otpadom FBiH. Planirano je kroz izradu Idejnog i Glavnog projekta za sanaciju postojeće deponije komunalnog otpada, deponiju "Bukva" u Tešnju pripremi za početak radova na sanaciji u okviru priprema za sanitarno odlaganje otpada, pripremiti za uključivanje u sistem integralnog upravljanja otpadom i smanjiti količinu otpada koji se u konačnici odlaže na deponiji. Projekat je odobren u visini 55.000,00 KM.

Ovdje važno napomenuti da je isti projektni prijedlog pripreman za Fond za zaštitu okoliša a koji nije odobren.

### **5. Projektni prijedlog „Izgradnja objekta za fizikalnu medicinu i rehabilitaciju“**

Agencija je učestvovala na izradi projektne aplikacije na kojoj je JU Dom zdravlja nosilac aktivnosti a koje se tiču proširenja kapaciteta i unapređenja usluga Doma zdravlja. Ciljevi projekta su obezbjeđenje adekvatnog prostor za pružanje zdravstvene zaštite iz oblasti fizikalne medicine i rehabilitacije te

zadovoljiti potrebe građana za uslugom fizikalne medicine i rehabilitacije koje su u porastu. Projekat je apliciran Japanskoj ambasadi u vrijednosti od 91.267,34 KM. O statusu projektne aplikacije još nema odgovora od strane Japanske ambasade.

## **6. Prijava/izrada projektnog prijedloga na START (Danube Region Project Fund), PR2**

Agencija za razvoj općine Tešanj je u saradnji sa Razvojnomo agencijom Sisačko-moslavačke županije, Razvojnomo agencijom Zgornje Gorenjske i Simbio doo iz Slovenije pristupila izradi projektnog prijedloga na temu upravljanje komunalnim otpadom. Projekat će se odnositi na kreiranje kampanje o podizanju svijesti upravljanja komunalnim otpadom i primjena kampanje na javni/privatni sektor te širu javnost. Vrijednost projekta je 41.471,40 EUR. Projekat je prošao fazu formalno pravne kontrole i u narednom periodu se očekuje konačna ocjena projekta.

## **7. Prijava/izrada projektnog prijedloga na START (Danube Region Project Fund), LOCOMOTIVES**

Agencija je u saradnji sa partnerima iz Mađarske i Hrvatske je pripremila i prijavila projekat na START fond koji je za cilj imao promociju zajednica kroz integrisani razvoj održivog turizma izgrađenih na lokalnim prirodnim i kulturnim resursima. Dodatni cilj projekta je da dokaže da je ovaj pristup rešenje za povećanje životnog standarda za regione bez obzira na sadašnjem nivou razvoja . Takođe se naglašava da uključivanje lokalne zajednice je imperativ za Dunavsku strategiju turizama te koliko ova metodologija može osigurati da se postigne održivost razvoja nakon investicione.

## **8. Izrada poslovnog plana za plasteničku proizvodnju**

Agencija je sa fondacijom BIGMEV (Centar za razvoj odnosa BiH-Turska) je pripremila poslovni plan za plasteničku proizvodnju a koji bi trebao biti prezentovan potencijalnim turskim investitorima od strane BIGMEV-a čiji i jeste osnovna zadaća spajanje stranih investitora sa poslovnim prilikama u BiH. Vrijednost poslovnog plana 1.057.340,00 KM. Najavljena je posjeta turskih investitora kojima će biti predložen i pomenuti poslovni plan.

## **9. Aplikacija za PRO-budućnost**

U januaru 2014.godine TRA Agencija je pripremila aplikaciju za učešće u programu PRO-Budućnost. Projekat PRO-Budućnost finansira Američka agencija za međunarodni razvoj (USAID) u visini od 1 milion USD\$ na period od 4 godine, a implementira ga Catholic Relief Services (CRS) u saradnji sa Fondacijom Mozaik, Caritasom Biskupske konferencije Bosne i Hercegovine, Forumom građana Tuzla i Helsinškim parlamentom građana Banja Luka.. Općina Tešanj je odabrana među 30 općina u kojima se implementira navedeni projekat, dok je partnerska općina Teslić. TRA Agencija je implementator projekta, dok je direktor TRA Agencije koordinator projekta i član radne grupe projekta zajedno sa gđa. Ruža Vlajković i g.Izudin Karahmet. Tokom 2014. godine provedeni su pozivi za projekte na koje su se javila udruženja građana i neformalne skupine i među dodijeljenim projektima nalaze oni koji dolaze sa područja općine Tešanj (npr. RK Bosna TS Tešanj i dr.).

Neke od realizovanih aktivnosti su:

-održana 2 sastanak radne grupe, učešće na 2 okrugla stola, 1 pozorišna predstava, 38 djece uzrasta osnovnih i srednjih škola učesvovalo u projektnim aktivnostima, posjeta i učešće na Huventa Festu, MES festivalu i dr.

-prigodnim manifestacijama bilježeni Međunarodni dan mira 21.09 i Međunarodni mir ljudskih prava 10.12

-priprema kriterija za poziv za male grantove namijenjene neformalnim i formalnim skupinama građana u 2015. godini;

-na okruglom sto na temu “ O stanju socijalne integracije povratničke populacije“ održan u Prijedoru, na kojem je jedan od uvodničara bio Doc.dr. Ismar Alagić, direktor TRA Agencije za razvoj općine Tešanj prezentovao iskustva radne grupe za općine Teslić i Tešanj na projektu PRO-Budućnost;

## **10. Projekat Sanacija klizišta Hrvatinovići - Prijava projekta na poziv Ambasade Norveške**

Agencija za razvoj je uz asistenciju uposlenika općine Tešanj popunila i aplicirala projektnu aplikaciju na Javni poziv norveške ambasade u okviru Fonda za pomoć poplavljenim područjima u BiH.

Projektom je planirana sanacija klizišta u MZ Hrvatinovići koje je presjeklo asfaltni put koji povezuje grad i naseljena mjesta Tugovići, Ripna i dio naseljenog mjesta Hrvatinovići, gdje egzistira cca 1.350 stanovnika, koji su administrativno i poslovno povezani ovim putem sa administrativnim centrom. Ukupna vrijednost projekta procijenjena je na oko 48.177 KM.

Projektne aktivnosti su podijeljene u dvije faze. Prva faza se odnosi na istražne i projektne radove koji obuhvataju:

- istražne radove na zemljištu od strane nadležnog pravnog lica koji se odnose na raskopavanje klizišta, izradu određenog broja bušotina u cilju uzorkovanja zemljišta, ocjenu stanja zemljišta.
- izrada Elaborata o stanju klizišta kao rezultat istražnih radnji na zemljištu.

Druga faza bi obuhvatala:

- izrada Projekta sanacije klizišta od strane nadležnog pravnog lica,
- sanacija klizišta koja obuhvata sve radnje na sanciji samog klizišta i uređenja putne infrastrukture i zemljišta uz put.

Projektna aplikacija je predana u predviđenom roku i svu daljnu korespondenciju sa donatorom preuzeo je Mensur Saletović, Pomoćnik Općinskog načelnika za civilnu zaštitu. Prema raspoloživim informacijama, Ambasada Norveške je odobrila sredstva u iznosu od 50.000 KM koja nisu utrošena jer je općina tešanj izvršila sanaciju klizišta prije odobrenja traženih sredstava.

## **11. Prijava projekta na poziv Federalno ministarstvo razvoja, preduzetništva i razvoja**

Uposlenici „TRA“ d.o.o.-Agencije za razvoj općine Tešanj su pripremili projektnu aplikaciju te istu kandidovali na Javni poziv Federalnog ministarstva razvoja, poduzetništva i obrta i to za poticaj projektima, koje finansira EU i drugi inozemni donatori. Projektom aplikacijom je predviđeno:

- Realizacija programa obuke za 15 kandidata, zanimanja CNC operatera u trajanju 102 nastavna časa stručno-teorijske i praktične obuke
- Nastavak razrade Analize stanja i potreba za dodatnim usavršavanjem radne snage na području regije : Tešanj, Žepče, Teslić, Maglaj, Doboj Jug
- Nabavka dodatne didaktičke opreme za potrebe rada Centra za obrazovanje odraslih Tešanj

- Organizacija okruglog stola na temu: „Uticaj osposobljavanja radne snage na razvoj poduzetništva“
- Dizajniranje i štampanje promotivnih letaka o uslugama Centra
- Izrada brošure-udžbenika programa obuke za CNC operatera

Planirana ukupna vrijednost za realizaciju navedenih, planirani stavki iznosi 15.000,00 KM. Pomenuta projektna aplikacija je odobrena od strane Federalnog ministarstva obrta razvoja i poduzetništva, a ugovor o implementaciji projekta između TRA i ministarstva potpisan je 11.12.2014.godine. Ugovornim je predviđeno da se planirane aktivnosti realizuju u narednih 6 mjeseci.

## **12. Prijava projekta za lokalnu donaciju GIZ Prolocal**

Uposlenici TRA d.o.o-Agencije za razvoj općine Tešanj izradili su projektnu aplikaciju/zahhtjev za finansiranje određenih aktivnosti Centra za obrazovanje odraslih. Projektnim zahtjevom je planirano

- Štampanje dodatnog broja udžbenika programa za CNC operatere,
- Nabavka mjernih alata za provođenje modula obuke koji se odnose na mjerenje i kontrolu
- Nabavka dodatanih reznih i steznih alata za postojeću CNC mašinu
- Nabavka potrošnog materijala za izvođenje pokazni vježbi na CNC mašini
- Izvođenje programa obuke za 10 kandidata koji se nalaze na evidenciji zavoda za zapošljavanje

Za realizaciju planiranih projektnih aktivnosti planirano je 15.000,00 KM. Predstavnici GIZ Prolocal su prisustvovali prezentaciji projekta, dosadašnjim rezultatima Centra za obrazovanje odraslih, obišli su kabinete Centra. Nakon toga, predstavnici GIZ Prolocal su zadovoljni predstavljenim podržali projektni zahtjev, a slijedi i realizacija navedenih aktivnosti, uz finansijsku podršku GIZ Prolocal.

## **13. Prijava projekta na poziv USAID/Sida GOLD**

Uposlenici Agencije izradili su projektnu aplikaciju na poziv za dostavu projektnih prijedloga od strane GOLD projekta. Aplikacija je ocjenjena među pet najboljih projektnih prijedloga, trenutno donatori provjeravaju da li Agencija ispunjava uslove poziva, odnosno da li se Agencija može pojaviti kao aplikant. Ukoliko donatori utvrde da Agencija ispunjava uslove poziva, uslijedit će razrađivanje projektnog prijedloga, te implementacija istog. Projektnim prijedlogom je predviđeno:

- Izrada udžbenika za mehatroničara i CNC operatera,
- Nabavka kontrolne jedinice fanuc za CNC mašinu,
- Nabavka rezervni dijelova za postojeću CNC mašinu,
- Dio finansijskih sredstava za nastavno osoblje,
- Finansijska sredstva za projekt administratora,
- Sofwer SlidWorks, Solid/CAM Software,
- Nabavka PC profesionalne stanice,
- Nabavka Rapid Prototyping mašine.

Ukupna vrijednost projekta iznosi: 89.090,00 KM (slovima: osamdesetdevet hiljadadevedeset i 00/100 KM), vrijednost granta od strane GOLD-a iznosi: 44.591,00 KM

Ostatak od ukupne vrijednosti projekta predstavljeno je kao učešće TRA Agencije kroz odobrene projekte od FMRPO i GIZ Prolocal, kao i učešće Federalnog zavoda za zapošljavanje, i firmi Pobjeda d.d, Prevent FAD d.d.

#### **14. REELIH projekat -HABITAT**

Tokom 2014. godine proveden je cijeli niz aktivnosti na pripremi i realizaciji projekta REELIH (Residential Energy Efficiency for Low Income Households/Energijska efikasnost stambenih zgrada za kućanstva manjih primanja) kojeg u BIH implementira Habitat for Humanity International uz podršku Švicarskog Caritasa a pod pokroviteljstvom USAID-a.

Habitat for Humanity International je neprofitna organizacija koja nastoji eliminirati siromaštvo i loše uslove stanovanja širom svijeta i ima viziju omogućiti svakome pristojan krov nad glavom te da ovakva vizija postane dio savjesti ali i konkretnih akcija ljudi širom svijeta. Habitat je do sada izgradio ili obnovio više od 600.000 domova pružajući za više od 3 miliona ljudi siguran, pristojan i prihvatljiv smještaj.

REELIH projekat se u prvoj fazi tokom 2014. godine na području općine Tešanj odnosio na istraživanje stanja i nivoa znanja odbora/članova etažnih vlasnika po pitanju građevinskih intervencija i mjera energetske efikasnosti (EE) te podizanja nivoa svijesti tako da vlasnici stanova na prvom mjestu shvate da sve mjere EE moraju finansirati prevashodno oni sami. Rezultat istraživanja je iskorišten za kreiranje programa obuke predstavnika i odbora etažnih vlasnika na istu temu. Tokom istraživanja definisana je spremnost određenog broja odbora etažnih vlasnika da finansiraju mjere EE na svojim zgradama.

Cilj je bio da se pronadju modeli koji uvijek podrazumijevaju (su)finansiranje vlasnika stanova u mjere energetske efikasnosti uz iznalaženje mogućih načina sunfinansiranja od drugih zainteresovanih strana ako, naravno, ima spremnosti za to. Nakon provedenog postupka odabrana je privatna stambena zgrada na adresi Trg Alije Izetbegovica bb (u prizemlju koje je smješten BH Telecom) i nakon provedenog postupka javne nabavke odabran je najpovoljniji ponuđači otpočeli su radovi na objektu.

Kroz ove aktivnosti koje je koordinirala TRA Agencija i direktor TRA kao koordinator, općina Tešanj dobit će prvi objekat sa važećim certifikatom izdatim od nadležne institucije za energetske efikasan objekat. Općina Tešanj je sa 10.000 KM podržala realizaciju navedenog projekta, dok su troškovi nadzora radova, tehničke asistencije, nabavke kalorimetara i certifikacije bili obaveza Habitat-a.

Tokom 2015. godine planirano je da se završe svi potrebni radovi na objektu, a nakon toga da se objekat podvrgne provođenju certificiranja za energetske efikasnost.

#### **15. GIZ Prolocal**

Općina Tešanj je jedna od 10 općina iz BiH koje su uključene u aktivnosti programa GIZ (Njemačko društvo za tehničku pomoć i međunarodnu saradnju) Prolocal (Program za lokalnu upravu i ekonomski razvoj) svrstana u regiju 2 – BEAR (Područje poslovne izvrsnosti) zajedno sa općinama Teslić i Žepče. TRA Agencija za razvoj općine Tešanj je kontakt tačka u općini Tešanj za realizaciju aktivnosti iz GIZ Prolocal programa.

Saradnja sa GIZ Prolocal programom strukturirana je kroz aktivnosti grupisane u tri komponente projekta, i to: sistemski pristup konkurentnosti (metaloprerađivački i prehrambeni sektor, teritorijalni

marketing), javno-privatni dijalog (podrška inicijativama SLER-a i BFC certifikaciji općine Tešanj) i razvoj lanca vrijednosti u proizvodnji jagodičastog voća.

Tokom 2014. godine, realizovane su slijedeće aktivnosti:

- Teritorijalni marketing - FDI Magazin je odabrao BEAR područje za jednu od 10 najboljih destinacija za investiranje u Europi (2014/15), a GIZ Prolocal podržao izradu i postavljanje promotivnih materijala za BEAR područje na Međunarodnom Aerodromu u Sarajevu ;
- Uz učešće više od 100 učesnika, 04.09.2014.godine održana investiciona konferencija u Hotelu Europa u Sarajevu;
- Podrška općini Tešanj u ispunjavanju uslova za dostizanje BFC standarda;
- Podrška u privlačenju EU fondova (odobren projekat CO-BEAR, vrijednost 526.000 €);
- Podrška pripremanju na uspostavi info-tačke za investitore (one-stop-shop servisa) za investitore u općini;
- Uspostavljen je Savjet za lokalni ekonomski razvoj općine Tešanj kao tijelo za vođenje javno-privatnog dijaloga u općini Tešanj;
- Izrađene su Analize konkurentnosti metaloprerađivačkog i prehrambenog sektora u Tešanju;
- Odabrani lanci vrijednosti su jagodičasto voće – uglavnom maline, jagode i potencijalno druge vrste
- Kick-off radionica održana u junu 2014. i izrađen Akcioni plan rada za 2015. godinu

## **16. USAID- GOLD projekat**

USAID u BiH implementuje projekat pod nazivom „Unapređenje lokalnog razvoja“ (GOLD) u kojem među 48 općina i gradova među kojima je i općina Tešanj. Od početka projekta predstavnici GOLD projekta sa općinom Tešanj implementuju nekoliko aktivnosti a u septembru 2014. godine realizovana je posjeta posrednika za investiranje iz Amerike, Švedske, Francuske i Turske. U dvodnevnoj posjeti posrednicima za investiranje predstavljeni su potencijali općine Tešanj za ulaganje, organizovana je posjeta firmama Mann Hummel BA i Nord Ent, a pokazana je i lokacija u Poslovnoj zoni Glinište koja je dostupna za investiranje. U okviru podrške privrednim subjektima predstavnik GOLD projekta je sa općinskim koordinatorom na projektu obavljene su posjete u preko 10 firmi na području općine Tešanj i identifikovane su potrebe na osnovu kojih će GOLD usmjeriti set aktivnosti i intervencija u narednom periodu.

U okviru podrške projektima javno-privatnog partnerstva općina Tešanj je kandidovala projekat Rekonstrukcije, dogradnje i modernizacije toplifikacionog sistema u općini Tešanj. Projektni prijedlog općine Tešanj i općine Novi grad Sarajevo jedini su zadovoljili kriterije među 158 projektnih prijedloga iz svih 47 općina. Projektni tim općine Tešanj će uz podršku GOLD-a pripremiti Projektni zadatak, Idejno rješenje i Studiju izvodljivosti za ovaj projekat i u narednom periodu će se kroz najbolji usaglašeni model javno-privatnog partnerstva tražiti potencijalni investitori.



Na grant program GOLD projekta iz općine Tešanj u prošloj godini kandidovane su dvije projektne aplikacije a aplikanti su TRA, Agencija za razvoj i Udruženje privrednika „Biznis Centar“ koje su u fazi eveluacije. Na program G2G (Vlada Vladi) u okviru USAID-ove podrške lokalnim samoupravama u završnoj fazi je izrada projektne aplikacije kojom je planirano da se uz podršku američke vlade podrži izgradnja putne i prateće komunalne infrastrukture u poslovnoj zoni Glinište. Vrijednost projekta je oko 1.300.000 KM od čega je 600.000 KM planirano da se finansira kroz USAID-ov program G2G.

## **17. PODIZANJE ZASADA MALINA**

Projekat „Podizanja zasada maline na području općine Tešanj“ je projekat koji je finansiran od strane humanitarne organizacije države Katar. Potpisan je 21.08.2014.godine, a sa realizacijom započeo 01.09.2014. godine. Dužina trajanja projekta je 2 godine.

Projekat je zamišljen kao socijalno-razvojni projekat, koji je obuhvatio socialno ugrožene kategorije stanovništva, boračku populaciju, višečlane porodice bez ili sa niskim primanjima, kao i osobe sa poteškoćama.

Ukupna vrijednost projekta je 143.608,66 EURO ili 280.874,13 KM. Predviđeno je podizanje 37 novih zasada maline površine 2 dunuma (2000 kvadratnih metara). Korisnicima projekta bi se omogućila nabavka svih potrebnih materijala za podizanje zasada maline, od pripreme zemljišta do analize tla, nabavke sadnica, zaštitnih sredstava, mineralnih đubriva, naslona i žice i svih ostalih potrebnih sredstava. Pored podizanja novih zasada, projektom je obuhvaćeni i sljedeći troškovi:

- Angažovanje agronoma na 2 godine
- Nabavka potrebne opreme za rad
- Nabavka automobila
- Troškovi goriva za korištenje datog automobila
- Troškovi servisiranja i registracije vozila
- Troškovi mobilnog aparata
- Troškovi konsultanata
- Troškovi izrade brošura

Korisnicima projekta je omogućena stručna pomoć, redovan obilazak parcela, praćanje i sprječavanje pojave bolesti i štetočina, kompletno vođenje brige o malinjacima. Cilj je osposobiti poljoprivrednike da samostalno vode računa o svojim malinjacima, da budu sposobni vršiti sve radove, ali i da primjenjuju savremene agrotehničke mjere.

Pošto je riječ o donatorskim sredstvima, projekat je zamišljen kao obnovljivi fond, gdje bi korisnici od uroda vraćali 15% (do isplate uložениh sredstava), a ta sredstva bi se koristila za:

- 5% za troškove projekta
- 10% za podizanje novih zasada

U dosadašnjem dijelu projekta izabrani su korisnici, odabrane parcele, urađena je analiza tla, pripremljene su parcele, posađene su sadnice te je izvršena raspodjela prskalica za korisnike kojima su bile potrebne.

Dobrom koordinacijom projekta ušteđena su sredstva i omogućeno je podizanje 44 nova zasada, kao i objavljivanje novog Javnog poziva za još 3 aplikanta. Tako da će od planiranih 37 biti podignuto 47 novih zasada, što je za 21,23% više nego je planirano.

Naredne aktivnosti koje su planirane tokom 2015. godine su:

- Nabavka zaštitnih sredstava
- Nabavka mineralnih đubriva
- Nabavka sistema za navodnjavanje
- Nabavka naslona za malinjake
- Nabavka žice za povezivanje maline
- Praćenje i spriječavanje pojave bolesti i štetnika
- Vođenje brige o pravovremenom i adekvatnom prskanju malinjaka
- Edukacije poljoprivrednih proizvođača
- Redovan obilazak malinjaka (prva godina je važna za urod naredne godine)

Potrebno je napomenuti da će ove aktivnosti biti komplementarne sa radom III komponente GIZ Prolocal programa u okviru kojeg će biti formiran tim lanca vrijednosti jagodičastog voća.

## **18. PRIKUPLJANJE, ODVODNJA I PREČIŠĆAVANJE OTPADNIH VODA**

Direktor TRA Agencije i uposlenici TRA Agencije su tokom 2014. Godine 1066 radnih sati utrošili na aktivnosti na poslovima po nalogu općine Tešanj. Najznačajniji angažman je učešće direktora TRA Agencije sa 376 sati rada na aktivnostima iz projekta prikupljanja, odvodnje i prečišćavanja otpadnih voda. U okviru navedenih aktivnosti dat je aktivan doprinos u praćenju i izradi slijedeća tri dokumenta:

-Glavni/izvedbeni projekat primarnih kolektora sistema prikupljanja i odvodnje otpadnih voda na području općine Tešanj;

-Idejni projekat sekundarne kanalizacione mreže u tri urbana područja: Tešanj, jelah i Bukva;

-Studija izvodljivosti uređaja za prečišćavanje otpadnih voda tri susjedne općine: Doboj-jug, Tešanj i Usora.

## **19. ČLANSTVO U ORGANIZACIJAMA/FORUMIMA, NAGRADE, UČEŠĆE NA SEMINARIMA, MEĐUNARODNA I MEĐUOPĆINSKA SARADNJA, KONTAKTI**

Jedna od značajnih stvari koja se desila tokom 2014. godine, svakako je priznanje koje je BEAR područje poslovne izvrsnosti Teslić-Tešanj-Žepče dobilo u kategoriji europskih regija budućnosti za period 2014/15. Na temelju obavještenja koje je pristiglo iz Financial Times, fDi magazine na adresu TRA Agencije za razvoj općine Tešanj, BEAR "sredina poslovne izvrsnosti" Teslić-Tešanj-Žepče je svrstana među 10 regija u Europi u dvije kategorije: 10 vodećih malih europskih regija-isplativost troškova poslovanja i 10 vodećih regija u ukupnom poretku-isplativost troškova.

Potrebno je istaknuti da je TRA Agencija bila koordinator cjelokupne prijave BEAR na navedeni izbor, a samo je još REDAH Hercegovina od poslovnih subjekata u jednoj drugoj kategoriji bio dobitnik sličnog priznanja. U prvoj kategoriji malih europskih regija osim BEAR, tu se nalaze: Ohrid-Struga, Stara Zagora, Sremska Mitrovica, općina Inđija, Južna Trans-dunavska regija, Poltava, Transcarpathia, Shumsk i Ternopil. Dok se u drugoj kategoriji 10 vodećih europskih regija iz kategorije „isplativost troškova“, osim BEAR Teslić-Tešanj-Žepče nalaze još: Ohrid-Struga, Stara Zagora, Sremska Mitrovica, regija Vojvodina, općina Inđija, Južna Trans-dunavska regija, Luhansk, Poltava, Bukuresti-Ilfov. Ceremonija dodjele priznanja vodećim europskim regijama budućnosti održana je 12.marta 2014. godine u Kanu, Francuska. Ovo je veliko priznanje radu općine Tešanj i TRA Agencije za razvoj općine Tešanj, jer se Financial Times ubraja u vodeće svjetske časopise, a fDi magazine je respektabilan svjetski časopis za direktne inostrane investicije.

Osim toga TRA Agencija i općina Tešanj su tokom jula 2014. godine ugostili jednu od izvršnih direktorica GIZ Njemačke tokom posjete BiH u pratnji direktorice GIZ-a za Zapadni Balkan i odgovornih ljudi iz programa GIZ Prolocal programa.. Gđa Schafer je izrazila zadovoljstvo rezultatima rada TRA Agencije i BEAR razvojne inicijative. Najavljene su nove projektne inicijative TRA Agencije i GIZ-a za naredni period.

TRA Agencija je tokom 2014. godine imala je veoma bogato učešće u radu organizacija i foruma sa ciljem uspostave međunarodne saradnje i uspostave kontakata i partnerstava. Direktor TRA Agencije je predsjednik Komisije za međunarodne veze, saradnju i europske integracije Saveza općina i gradova Federacije Bosne i Hercegovine. Osim toga član je Zajedničkog nadzornog sekretarijata (JMC) u dva IPA (instrument predpristupne pomoći Europske Unije) programa prekogranične saradnje sa Srbijom i Hrvatskom: IPA CBC SRB-BiH i IPA CBC HR-BiH. Učešćem na sastancima JMC dat je veliki doprinos pripremi poziva za projekte i kreiranju programa podrške EU. U tom kontekstu Završen je odabir projekata sa III poziva IPA CBC HR-BiH, a ujedno i pripremljen III poziv za dostavu projekata na programu IPA CBC SRB-BiH.

Osim toga, direktor TRA Agencije dao je aktivan doprinos u procesu pripreme Strategije razvoja lokalnih zajednica u dva BH entiteta kroz proces izrade Strategije dva entitetska Saveza općina i gradova za period 2015-2019.

Kao član Foruma za prosperitet i zapošljavanje, direktor TRA Agencije je aktivno učestvovao u pripremi i izradi Sporazuma za rast i zapošljavanje u BiH kroz proces koji je vodila Delegacija Europske

Unije u BiH u saradnji sa Međunarodnim monetarnim fondom, Svjetskom bankom, Europskom bankom za obnovu i razvoj, Centralnom bankom Bosne i Hercegovine, te ambasadama Sjedinjenih Američkih Država i Kraljevine Norveške. Osim toga, direktor TRA Agencije nalazio se među odabranim predstavnicima

Kao predstavnik općine Tešanj, direktor TRA Agencije je uzeo aktivno učešće u izradi strateškog dokumenta Ze-Do Kantona za period 2015-2020 u svojstvu sektorskog koordinatora za lokalnu upravu. Kroz angažman u Kantonalnom odboru za razvoj (KOR), direktor TRA Agencije je prezentovao osnovne odrednice postojeće Strategije razvoja Ze-Do kantona i dao preporuke za naredni period sa pozicije harmonizacije procesa strateškog planiranja u BiH.

Na poziv USAID-ovog projekta „ Održivog lokalnog razvoja,, u Srbiji, direktor TRA Agencije je prezentovao dobra iskustva i prakse TRA Agencije u području „Tehnika i instrumenata za podršku lokalnom privatnom sektoru i investitorima“ tokom decembra 2014. godine u Centru za privredno-tehnološki razvoj Vlade Vojvodine.

Posebno je značajno učešće na regionalnim forumima programa Europske Unije „Europa za građane“ gdje je direktor TRA Agencije učestvovao kao član delegacije Bosne i Hercegovine na regionalnim forumima održanim u Zagrebu i Laktašima. Tom prilikom prezentovane su projektne ideje TRA Agencije i uspostavljena korisna partnerstva za buduće projekte ne samo za TRA Agenciju, već i druge organizacije sa područja općine Tešanj, kao što su: Muzej Tešanj i DVD Tešanj 1905.

U cilju razvoja kadrovskih kapaciteta kapaciteta uposlenici TRA Agencije pohađali su slijedeće seminare:

- „10 koraka do izvoza“, predavač: Hatto Brener, Privredna komora RS i GIZ Prolocal, Banja Luka, april 2014.;
- „Kupoprodajni međunarodni ugovori“, predavač: Hatto Brener, Privredna komora RS i GIZ Prolocal, Banja Luka, septembar 2014. ;
- „Kako poslovati sa Njemačkom“, predavač: Hatto Brener, Privredna komora RS i GIZ Prolocal, Banja Luka, oktobar 2014.;
- „Šta njemačke kompanije očekuju od stranih partnera?“, predavač: Alexander Märdian, GIZ ProLocal program i njemačka privredna komora u BiH-AHK., Tešanj, Banja Luka ,oktobar 2014.
- "Privlačenje njemačkih investitora i uloga lokalnih razvojnih agencija", predavač: Alexander Märdian, GIZ ProLocal program i njemačka privredna komora u BiH-AHK, Banja Luka, oktobar 2014.
- Radionica:Gradovi za poslovanje – Jačanje transparentnosti, odgovornosti i efikasnosti u lokalnim upravama, GIZ Prolocal, Vlašić, april 2014.
- HORIZON 2014-2020, predavači: NCP BiH, Univerzitet u Banja Luci, Banja Luka, mart 2014.

TRA Agencija je kroz učešće u projektu IPA CBC Cluster Club učešće uzela na završnoj konferenciji projekta održanoj 23-24.01.2014.godine u Veneciji, Italija, kojom prilikom je direktor TRA Agencije prezentovao rezultate projekta i dao doprinos kao panelista u okviru okruglog stola.

U okviru Međunarodnog sajma poduzetništva i obrta „GRAPOS EXPO“ u Gračanici, dana 23.04.2014. godine, organizovan je okrugli sto na temu: „Unapređenje poslovnog okruženja u funkciji privrednog razvoja“. Na poziv Ministarstva razvoja i poduzetništva Tuzlanskog kantona učešće na pomenutom događaju su imali i predstavnici TRA-Agencije za razvoj općine Tešanj na čelu sa direktorom g-dinom Ismarom Alagićem. Doc. dr. Ismar Alagić je predstavio inicijativu BEAR, aktivnosti i projekte koje realizuje Agencija TRA, kao i rezultate rada Općine Tešanj u proteklom periodu. Nakon izlaganja upriličeno je druženje sa predstavnicima Federalnog ministarstva razvoja, poduzetništva i obrta, Premijerom Tuzlanskog kantona, poduzetnicima i ostalim učesnicima na okruglom stolu, koji nisu krili svoje oduševljenje i zadovoljstvo radom, postignutim rezultatima Agencije TRA i Općine Tešanj.

TRA Agencija je bila veoma aktivna kao učesnik na 10. Sajmu tešanjске privrede održanom u vanrednim okolnostima 22-24.05.2014. godine na lokalitetu PC Ukus, Tešanj, kao i Sajmu srednjih škola i fakulteta održanom 28.03.2014.godine u prostoru JU „Sportsko –rekreacionom centru“ Tešanj.

Jubilarni 10.Sajam tešanjске privrede je održan u vanrednom i prolongiranom terminu iz razloga katastrofalnih majskih poplava koje su pogodile naše okruženje. TRA Agencija je se predstavila sa BEAR inicijativom i zajedno sa općinom Tešanj i partnerima dobila zahvalnicu za učešće na sajmu sa veoma prepoznatljivim i originalnim standom i ukupnim nastupom. Direktor TRA Agencije prezentovao je potencijale tešanjске privrede nakon otvaranja sajma 22.05.2014. godine, dok su tokom same posjete sajmu uspostavljeni kontakti sa zamjenicima ambasadora Mađarske i Slovačke u BiH.

Na prvom „Sajmu srednjih škola i fakulteta“ je učestvovalo 19 fakulteta, 7 srednjih škola i 11 ostalih institucija koje su vezane za obrazovanje. Primarni cilj manifestacije jeste da se mladim ljudima na jednom mjestu izlože mogućnosti i prilike za obrazovanje i usavršavanje.

Na spomenutom Sajmu, Agencija za razvoj općine Tešanj je predstavila projekat „Centar za obrazovanje odraslih“, koji implementira u partnerstvu sa MSŠ Tešanj, a koji ima za cilj da doprinese kvalitetnijem obrazovanju odraslih, poboljšanju stanja na tržištu radne snage i pomoć u ispunjenju potreba lokalne privrede na tržištu rada. Direktor TRA Agencije prezentovao je rad TRA Agencije i općinske administracije u području stvaranja povoljnog poslovnog okruženja i pretpostavki za obezbjeđenje kvalifikovane radne snage.

Posjetioi Sajma su iskazali veliki interes za informisanje o spomenutom Centru, trenutnim aktivnostima i budućim planovima Agencije za razvoj općine Tešanj. Između ostalih, štand Agencije su posjetili premijer ZE-DO kantona Munib Husejnagić, ministar obrazovanja Mirko Trifunović, ministrica za pravosuđe Romana Brkić, predstavnik UNDP-a Samir Omerefendić i Općinski načelnik Suad Huskić.

U organizaciji Carits-a Švicarske, a uz podršku GIZ-a održana je Treća konferencija o jagodastom voću u Bosni i Hercegovini. Konferencija je održana u prostoru hotel Hollywood na Ilidži, uz učešće više od 70 učesnika iz cijele BiH. Među učesnicima konferencije je bio Doc.dr.Ismar Alagić, direktor TRA Agencije za razvoj općine Tešanj, uzevši aktivno učešće u diskusijama koje su se vodile na panelima konferencije. Na konferenciji je predstavljena inicijativa formiranja Saveza proizvođača jagodičastog

voća u BiH, potom iskustva u proizvodnji i plasmanu jagodičastih poljoprivrednih kultura, podrška nastupa na sajmovima i iskustva iz država u regionu.

Na poziv Ministarstva za lokalnu samoupravu i Vlade manjeg BH entiteta predstavnici „BEAR područja za poslovnu izvrsnost“ Teslić-Tešanj-Žepče posjetili su prostorije pomenutih institucija smještene u Banja Luci. Zajedno sa predstavnicima navedene tri općine u delegaciji su bili predstavnici GIZ „Program za lokalnu samoupravu i ekonomski razvoj“ – Prolocal. U razgovoru sa predstavnicima Ministarstva za lokalnu samoupravu razgovarano je o priznanju koje je BEAR područje poslovne izvrsnosti dobilo od fDi magazina kao jedna od 10 vodećih europskih lokacija za investiranje za 2014/15 godinu. Doc.dr. Ismar Alagić, direktor TRA Agencije za razvoj općine Tešanj se zahvalio na pozivu i upućenim čestitkama, a potom predstavio planirane aktivnosti za naredni period u području međuopćinske saradnje u BEAR području.

USAID-ov projekat Ekonomija energetske efikasnosti-3E je održao završnu manifestaciju i multimedijalnu izložbu energetske efikasnost na Jahorini u prostoru holela Termag. Tokom prezentacije prikazan je pregled aktivnosti od početka trajanja projekta, napredak koji je ostvaren i preporuke za slijedeće korake. Na manifestaciji je učešće uzeo Doc.dr. Ismar Alagić, Direktor TRA Agencije za razvoj općine Tešanj. Tokom održavanja navedene manifestacije ostvareni su izuzetno korisni kontakti sa predstavnicima USAID-a i razgovarano o područjima dalje saradnje sa TRA Agencijom za razvoj općine Tešanj.

Tokom 2014. godine, TRA Agencija je vodila veoma intenzivnu kampanju u komunikaciji sa predstavnicima međunarodne zajednice, ambasada i organizacija koje se bave ekonomskim razvojem. Tom prilikom želimo istaknuti da je direktor TRA Agencije bio domaćin Ambasadoru Savezne Republike Njemačke g. Helbahu tokom njegove posjete općini Tešanj u septembru 2014. godine. Veoma intenzivna komunikacija je ostvarena sa Ambasadama i Ambasadorima Hrvatske, Slovenije, Srbije, Austrije, Švedske, Pakistana, Slovačke, Mađarske, Bugarske, Rumunije, Češke, Poljske, otpravnikom poslova SAD-a, Japana, Vijeća Europe, OSCE, USAID, GIZ-a, UNDP i dr.

TRA Agencija je bila primjer dobre prakse na način da su Agenciju posjetili predstavnici općine Srebrenik, Gračanica i Tuzla razvojnih agencija iz Prijedora (Preda) i Konjica (Prvi Korak).

Veoma je bitno istaknuti veoma dobru komunikaciju sa radom udruženja privrednika Biznis cenatr Jelah-Tešanj koji su bili aktivno uključeni u aktivnosti TRA Agencije i putem NO i Skupštine Udruženja upoznati sa planovima, kao i rezultatima u radu TRA Agencije. Tokom 2014. godine održano je nekoliko prezentacija, a veoma aktivna komunikacija sa poslovnim sektorom je oličena u činjenici da su realizovane 63 posjete predstavnicima privatnog sektora.

Veoma bliska saradnja je ostvarena saradnja sa NVO sektorom na području općine Tešanj, gdje je direktor TRA Agencije održao dva ciklusa obuke iz područja strateškog planiranja, EU-fondova i PCM za organizacije sa područja općine Tešanj i zasebno za NVO Ponikve iz Šija.

## **20. AFTER-CARE (POSTINVESTICIONA PODRŠKA) I KOMUNIKACIJA SA INVESTITORIMA**

Direktor TRA Agencije je član saradničke mreže projekta Aftercare (Postinvesticiona podrška) u okviru kojeg je održana veoma korisna i uspješna komunikacija sa investitorima i primjenjene mjere

unapređenja poslovnog okruženja. Zajedno sa predstavnicima FIPA i Vlade Ze-Do Kantona obavljena je posjeta četiri firme koje su strane investicije na području naše općine (MHBA, Nord Ent, Algoja Linpac i BME). Navedeni projekat realizuje FIPA Agencija za promociju stranih ulaganja uz podršku IFC Međunarodne finansijske korporacije kao tijela Svjetske banke.

Osim toga, intenzivno se radilo na pripremi Procedure za rad sa investitorima u saradnji sa GIZ Prolocal. Stvorene su pretpostavke za uspostavu info tačke za rad sa investitorima „Sve na jednom mjestu“, koja će biti uspostavljena kroz COBEAR projekat.

Tokom 2014. godine ostvarena je veoma intenzivna komunikacija sa potencijalnim investitorima iz Italije, Švicarske, Turske, Njemačke, Holandije i Austrije, a efekti navedene komunikacije očekuju se tokom 2015. godine.

## **21. MEDIJSKO PREDSTAVLJANJE**

Aktivnosti TRA Agencije tokom 2014. godine su bile veoma dobro medijski praćene kroz više od 80 objavljivanja u pisanim i elektronskim medijima, kao što su: FTV, BHT, Al-Jazzera Balkans, RTRS, K3, Elta TV, Avaz, Oslobođenje, TV Smart, NTV Amna, E-kapija i dr.

Izrađena su tri promotivna filma o potencijalima privrede općine Tešanj i radu TRA Agencije.

Tešanj, januar 2015. godine

Izveštaj izradio:

Doc.dr. Ismar Alagić dipl.inž.maš.

Direktor TRA Agencije